

欽定大清會典事例

欽定大清會典事例卷二百七十二

戶部

蠲恤賑飢二

乾隆三十五年

諭。上年江西間被水災。著再加恩將南昌等縣被災九分十分之極貧。加賑兩月。次貧加賑一月。○又

諭。去年湖北漢陽黃州府屬夏雨稍多。江水漫溢。所有被災較重之區。著再加恩將成災九分之極貧。加賑兩月。其九分之次貧。與七分八分之極貧。次貧。均加賑一月。○又

諭江蘇各府屬州縣上年雨水過多間有偏災著再加恩將被災九十分之極貧加賑兩月九十分之次貧八分之極貧均加賑一月○又

諭安徽各屬上年因春夏雨多或江湖泛漲被有偏災著再加恩將懷甯等十四州縣被災九十分之極貧加賑兩月九十分之次貧八分之極貧俱加賑一月其安慶各衛均隨屯坐州縣一體加賑○又

諭直隸地方雨水稍覺過稠熱河古北口等處山水衝刷現已派令大臣馳驛查勘動用內庫銀兩加意撫恤今北運河漫口復有汕刷地方田廬間有損傷者

即行妥協撫綏○又

諭順天府屬武清等六縣雨水稍多河水泛溢所有被災旗民自六分以上至十分者不分極貧次貧著先行普賑一月俟至冬初再行照例加賑庶貧民得資口食接濟○又

諭昨已降旨將順天府屬武清等六縣於八月內普賑一月其霸州固安薊州及天津府屬之天津靜海等州縣被水亦重著加恩不分極貧次貧亦均於八月內先行普賑一月至九十兩月摘賑極貧及銀米兼賑之處並照武清等縣一例辦理○又

諭直隸被水各屬收成稍歉。現有應行賑恤之處。著撥部庫銀五十萬兩。以資分給。但聞銀庫舊例。凡遇應發銀兩。除俸餉外。俱有應扣平餘。此在工程等項需用銀兩。原不必悉照部法支放。若地方偶有災歉。特發帑銀賑恤。惟期間實被恩膏。毋許不肖官吏絲毫扣剋。其事較俸餉為尤重。豈可於部庫撥給時。分兩稍有輕減。此次銀兩。著該部即於庫貯元寶內。如數發往。嗣後如遇賑恤之項。俱照此行。著為令。○又諭前因直隸被水各屬賑務需米頗多。業經降旨截留漕糧。並撥通倉米共四十萬石。恐不敷應用。著再加

恩撥通倉米二十萬石俾得寬裕賑給○又發部庫銀三十萬兩賑濟直隸省飢民○三十六年

諭上年直隸地方夏間雨水過多著再加恩將被災較重之武清等十一州縣自六分災極貧至七八九十分極次貧旗民再行加賑一月至大興等五處並著一體加賑俾春初力作之時得資接濟○又

諭上年浙江濱海州縣猝遇風潮被災處所業經分別議賑至被災五分六分之處例不加賑但當青黃不接之時貧民不免拮据著加恩將海甯南沙公地仁和安吉長興三州縣仁和一場查明被災極貧於本

年三月內加賑一月口糧俾資耕作○又撥部庫銀二十萬兩通倉米十七萬石發交直隸省分賑飢民○又

諭甘肅現被夏災不能趕種秋田之各州縣廳屬即照秋災之例查明加意賑恤分別蠲緩俾貧民不致稍有失所○又

特命部院堂官攜帶

內帑銀萬兩往古北口查勘被水情形酌量撫恤並即開倉平糶以濟兵民○又

諭今歲秋雨過多河水漲發近畿一帶田禾不免淹浸

節經發帑五十萬兩。截漕五十萬石。令該督勘明成災州縣分別辦理。所有宛平等十八州縣成災八分以上者。無論極次貧戶。俱著先行急賑一月口糧。以資接濟。○又

諭。今年秋閒雨水稍多。近京間有被澇之處。收成不無歉薄。其距京稍遠鄉民。艱於赴廠。未免向隅。著加恩於近京四鄉地面。約計三四十里許。再行添設四廠。交都察院於各廠奏派科道二員。輪流駐彼稽查。妥協經理。毋任吏胥滋弊。俾各鄉民均霑實惠。○三十

七年

諭江蘇省濱臨江海河湖各屬上年偶被偏災著加恩將清河等廳州縣衛無論極次貧民概行加賑一月○又撥通倉米十八萬石部庫銀二十五萬兩撫恤直隸省被水貧民○三十八年

諭甘省上年春夏短雨河東河西各屬成災輕重不同業經分別加恩撫恤第念河東之安定會甯等六州縣值頻年歉收之後去歲未能補種秋禾著加恩再行加賑一月○三十九年給河南省浙川內鄉三屬被水貧民口糧一月○又

諭江蘇安東等處上年春夏疊被偏災新春正賑已畢

貧民待哺方殷。著加恩無論極次貧民一體加賑一月。○又

諭上年安省雨水過多。夏麥秋禾兩被災傷。著加恩將鳳陽等州縣衛極次貧戶各加賑一月。○又

諭昨秋陝省朝邑商南二縣先後猝被水災。著加恩將朝邑被災較重之河東大慶關等十一村堡暨商南災重之東關韓家山等十二村莊無論極次貧民再行展賑一月。○又

諭甘省上年間被霜雹。河東之皋蘭金縣河西之肅州平番等處偏災情形稍重。著加恩於正賑之外各展

賑一月○四十年

諭直隸天津河間等屬上年偶被偏災著加恩將天津等十六州縣毋論極次貧民均予加賑兩月再與災地毗連各處經該督覆勘應入六七分災者並著一體查明給賑○又

諭甘肅皋蘭武威二縣夏禾被災較重之處於青黃不接時再展賑一月又金縣等處秋禾亦被偏災並著一體展賑一月○又

諭昨歲豫楚二省夏秋缺雨聞成偏災著加恩將河南之信陽等五州縣極次貧民概行加賑一月○湖北之

安陸等六州縣衛成災七八分極次貧軍民於例賑之外各加賑一月其餘五六七分災之鍾祥等民屯地畝並著分別借給籽種以濟春耕○又

諭。上年東省壽光等縣沿海村莊偶被風潮豆麥均經被淹受傷今歲春收不無失望著將壽光樂安濰縣等縣並官臺王家岡二場成災各村莊無論極次貧民竄戶再加賑一月○又

諭。河南武陟縣被水之地每畝先給籽種六分並撫恤一月口糧○四十一年議准各省賑濟米石除陝西廣東廣西福建四川貴州六省概支本色向不

折賑外其餘各省折賑定價直隸省貧民折賑
每米一石價銀一兩二錢貧生折賑每米一石
價銀一兩奉天河南浙江江西四省折賑每米
一石價銀一兩二錢每穀一石價銀六錢山東
江蘇安徽湖北湖南甘肅雲南七省折賑每米
一石價銀一兩每穀一石價銀五錢山西省折
賑每米一石價銀一兩六錢每穀一石價銀九
錢六分○又議准查勘地方災賑除現任正印
及丞倅等官不准支給盤費外教職及縣丞佐
雜候補試用等官按日支給盤費

山西福建二
省委員不支

並所帶書吏跟役口糧雜費均一體支銷。又
議准江西省水衝田禾每畝給籽粒一錢沙淤
石壓每畝給修復銀二錢。又議准湖南省水
衝田禾每畝給修復銀二錢。又議准廣東省
水衝沙壓田地每畝給賑銀五分。又議准廣
西省沙壓田禾須挑完補種者每畝給賑銀三
錢穀五斗水浸田禾尚可修復者每畝借給穀
五斗田畝被衝不能修復者計口賑銀每大口
銀三錢小口銀二錢按畝賑穀每畝穀五斗。
又議准雲南省水衝田地每畝給挑培銀三錢。

沙墜田地每畝給挑培銀二錢○又

諭。昨歲安徽江蘇地方雨澤愆期。間被偏災。業經分別撫恤。蠲賑兼施。貧民已不致失所。第念新春正賑已畢。麥收尚早。口食不無拮据。着加恩將安徽成災八九分之定遠等七州縣。無論極次貧民。各加賑一月。其廬州等衛被災屯戶。一體賑給。江蘇被旱較重之句容等十縣。及次重之上元等十八州縣。並鎮江揚州二衛。成災七八分之極貧戶口。各加賑一月。以資接濟○又

諭。上年甘肅皋蘭等三十一廳州縣。夏禾間有被旱被

電之處業已蠲賑兼施俾無失所惟皋蘭金縣渭源
平番中衛靈州肅州並皋蘭分駐之紅水縣丞所屬
情形較重民食未免拮据著加恩展賑一月又續報
秋禾偏被霜電之隴西等十一州縣內涇州平涼二
處被災稍重並著一體展賑一月○又

諭昨歲畿南一帶雨水稍多著將被災較重之霸州等
六州縣及次重之文安等八縣均各展賑一月○四
十二年

諭昨歲甘肅省皋蘭等二十九廳州縣夏禾被旱又有
被霜被電之處著加恩將皋蘭等處各展賑一月又

續報秋禾被災較重之鎮番中衛二縣並著一體展賑一月○四十三年

諭河南開封彰德衛輝懷慶河南五府春雨愆期麥苗被旱念該五府屬極貧下戶口食更為拮据著再加恩於社穀內酌給月糧以資餬口○又

諭安徽亳州等州縣接壤豫省因黃水漫溢致田廬淹浸被災較重著照例先行撫恤給予一月口糧至懷遠宿州等處先已被旱今又猝然被水並著勘明成災輕重照例撫恤○又

諭本年豫省黃河漫口儀封考城一帶被災較重業經

降旨運撥銀漕以備賑恤第念該省災重之區明春尚需加恩展賑恐有不敷著撥部庫銀六十萬兩解赴豫省俾資接濟○又

諭豫省儀封考城一帶黃河漫口奪溜被災較重朕心深為軫惻已命大學士高晉選帶諳習河工將備兵弁星馳赴工速籌堵築復降旨截留漕糧二十萬石並留豫省新漕十萬石先後撥運兩淮鹽課銀一百萬兩並命尚書袁守侗前往查辦董飭有司實心賑恤俾災民不致失所副朕軫念窮黎之意○四十四

年

諭。昨歲甘肅皋蘭等州縣被旱情形較重。開春正賑既畢。民食未免拮据。著加恩各展賑一月。○又

諭。上年江蘇上元等州縣。夏間雨澤愆期。高阜地畝被旱成災。而高寶一帶。因河湖水勢盛漲。開壩宣洩。下河低田被淹。致成偏災。著加恩將八九分災之極次貧。及七分災之極貧。各加賑一月。俾資接濟。○又

諭。江蘇上年被有偏災地方。俱已加恩展賑。著將淮海分司所屬被災九分之板浦中正臨興三場。分別極貧次貧。應展賑者。照例按月展賑。應借給口糧者。酌量借給。俱照地方災民之例一體辦理。○又

諭。亳州蒙城一帶。為豫省下游。黃水漫注。被淹較重。著
加恩將被水貧民。照夏災之例。於八月內再賞給一
月口糧。○又

諭。上年湖北漢陽各府屬夏禾被旱。入秋漢江盛漲。又
被淹浸。災分較重。著再加恩將成災極次貧軍民。俱
各加賑一月。○四十五年

諭。上年豫省儀封考城一帶。因漫工堵築未竣。濱水田
禾被災較重。著再加恩將儀封等十三州縣十分災
之極貧。加賑兩月。十分災之次貧。與九分災之極次
貧民。加賑一月。○又

諭。上年江蘇阜甯清河等處。因夏雨稍多。致成一隅偏災。著將災重之阜甯等九州縣衛七分災以上極次貧民俱展賑一月。○又

諭。上年安徽亳州等處。因上游黃水漲溢。尚未斷流。以致復有偏災。著再加恩將災重之亳州等九州縣及鳳陽等三衛成災八九十分之極次貧民概行加賑一月。○又

諭。上年甘肅皋蘭等廳州縣夏禾間被偏災。著加恩將災重貧民加賑一月。○又

諭。本年直隸夏秋水稍多。武清房山等四十一州縣

田禾被淹。業經降旨截漕三十萬石。以備賑濟之用。但念其中有被災情形較重者。明春尚應加恩展賑。恐該省現貯銀兩不敷動撥。著再加恩賞撥通倉米三十萬石。部庫銀三十萬兩。以資應用。○四十六年展賑甘肅省皋蘭等十八廳州縣被旱貧民一月。○又

諭。上年安徽亳州等處。因夏秋雨水稍多。兼之黃淮交漲。下游被淹。著加恩將成災七八九分之極次貧軍民於正賑後。概行加賑一月。○又加給陝西省朝邑縣被水貧民口糧一月。○又

諭山東金鄉縣猝遇水溢著加恩酌給口糧按例賑恤

○又

諭本年江蘇沛縣等州縣被災較重屢經降旨撥道庫銀五十五萬兩又兩淮鹽課銀內再行動撥銀五十萬兩以資賑恤第念該處米石恐尚不敷賑糶著再加恩於淮徐各屬本年應行起運漕糧內截留五萬石以備賑糶之用○又

諭豐沛等縣俱被水災居民秋糧全沒田廬倒塌勢難緩待賑期著加恩先行賞給一月口糧○四十七年諭上年安徽鳳陽泗州等屬因淮睢各河同時泛漲低

田被淹。屢經降旨。令該督撫等分別給賑。第念今春正賑已畢。尚屆青黃不接之時。民食不無拮据。著再加恩。將鳳陽等州縣被災七八九分極次貧民。概行加賑一月。其鳳陽等衛被災飢口。及各災地貧生。並兵屬多餘家口。俱隨坐落村莊一體加賑。○又

諭上年豫省因焦橋曲家樓南北兩岸漫口。儀封考城等處。及漫水經由之祥符等縣。均有被災之處。屢經降旨。令該撫切實查勘。分別給賑。第念今春正賑已畢。尚屆青黃不接之時。著再加恩。將陳留儀封考城三縣十分災之極貧。加賑兩月。十分災之次貧。並九

分災之極次貧民加賑一月○又

諭上年山東曹縣金鄉等州縣因豫省漫口黃水泛注俱被水災著再加恩將成災八分以上貧民概行加賑一月○又

諭上年江蘇邳州等州縣因河水漫溢田禾被災崇明等縣猝遇風潮禾稼受傷豐沛等縣湖水漲發城隍亦俱被水今春正賑已畢青黃不接之時民食不無拮据著再加恩將睢甯沛縣崇明三縣十分災之極次貧民概行加賑兩月其該三縣九分災貧民同邳州宿遷銅山豐縣桃源清河海門通州海州沭陽各

廳州縣九分十分災貧民俱無分極次加賑一月各
衛屯地坐落被災州縣者一體分別辦理○又

諭上年直隸天津靜海等縣低窪田畝間有積水著再
加恩將被災七八分之極次貧民並六分災之極貧
加賑一月被災六分次貧與五分災之極貧概行給
賑一月○又展賑陝西省朝邑縣被水極貧戶口一
月○又

諭上年湖北潛江等縣衛因襄水泛漲沿河田垸被水
浸漬著再加恩將被災八分以上極次貧軍民加賑
一月○又

諭豫省下游一帶居民經黃水淹浸地畝未必即能涸
出耕種而正賑加賑已畢際此青黃不接之時民力
尤為拮据朕心深為廬念著再加恩將山東曹州江
南徐州等府州被災各屬無論極次貧民俱展賑三
月○又

諭豫省黃河北岸一帶被水各州縣無論極次貧民俱
著展賑三月○又

諭福建臺灣地方濱海居民猝遇風潮官民房屋田禾
人口均被傷損成災該督撫務須實力撫恤毋使一
夫失所○又

諭。江省所屬因下游漫水連被淹浸賑恤需用米石較多著照該督等所請於就近截留漕糧八萬石以資接濟。○四十八年

諭。上年豫省黃河北岸被淹地畝不能耕作業經降旨加恩展賑第念今春正賑已畢距麥收尚遠著將儀封等縣北岸無論極次貧民再行加賑兩月。○又

諭。上年山東兗州曹州二府暨濟甯州所屬因漫水經行連年淹浸不能耕作著再加恩將被災七八分者無論極次貧民概行加賑一月。○又

諭。上年江蘇淮安徐州等處因漫水未清田禾淹浸業

經降旨令該督撫加意撫綏照例給賑並將豐縣沛縣銅山邳州四處不論月分常予賑外其該四州縣上年未經被水而夏秋猝被淹浸及下游之宿遷桃源等州縣被水災田均各照災分按月給賑不在常賑之內第念今春正賑已畢民食不無拮据著再加恩將邳州銅山豐縣本年猝淹地畝及宿遷海州二州縣凡九十分災不分極次貧民概行加賑兩月次重之桃源睢甯沭陽九十分災貧民不分極次概行加賑一月其徐州大河二衛屯田有坐落該州縣災重區分者一體分別加賑以資接濟○又

諭。上年安徽鳳陽等屬因淮水泛漲田禾被淹著將壽州等九州縣被災八九分貧民無論極次於正賑後概行加賑一月以資接濟其鳳陽長淮泗州三衛被災飢口各隨坐落州縣災區一體加賑○又

諭。山東濟甯等州縣前因被水較重特加恩展賑至六月底止念該處地畝甫經涸出十之三四本年秋季成未免失望著再加恩展賑五月俾來年春麥足資接濟○又

諭。陝省榆林等八州縣秋禾成災邊民生計拮据殊堪憫惻著該撫卽率所屬實力賑恤俾貧黎均霑實惠

○又

諭。徐州府屬之銅山等州縣被災較重之地。著加恩展賑五月。○又

諭。陝西榆林綏德二屬秋禾歉收業經降旨令該撫加意撫恤。茲據奏到各處倉儲不敷散給所有應行撫恤加賑全予折色等語。著照該省散給折色之例。大口日給銀一分小口減半。該撫即督飭所屬妥協經理。○四十九年

諭。上年陝西榆林綏德二屬秋禾歉收節經降旨令該撫加意撫恤並散給折色優予賑銀災黎自可不致

失所第念今春正賑已畢沿邊地氣寒冷並無冬麥
大田收穫較遲著再加恩將被災極貧戶口展賑四
月次貧戶口展賑兩月○又

諭上年湖北江水盛漲濱江地畝均被淹浸著將黃梅
廣濟成災八九分之極次貧軍民展賑一月○又

諭江蘇上元句容丹徒三縣因江水盛漲濱江地畝被
淹成災業經分別給賑蠲緩但念該處地畝甫經涸
出民食究未免拮据所有上元句容丹徒三縣無論
極次貧民俱著加恩加賑兩月○又

諭甘省逆回滋事所過地方百姓田廬牲畜被其劫掠

及聞信驚避遠徙流離者均為可憫著將該處村莊戶口詳晰查明酌量撫恤○又

諭前以甘省逆回滋擾鹽茶等處各廳州縣所屬地方俱有賊氛經過並靖遠等處被賊攻圍不能生計均應酌量撫恤所有存貯軍糧即於各該處就近散給被難戶口以資口食○又給雲南省雲龍州被水貧民竈戶口糧一月○又

諭安省亳州等處被淹低田不能趕種秋麥著即查明成災分數及應賑戶口照例給賑其例不給賑者酌給籽種口糧以資接濟○五十年

諭。上年安徽亳州因豫省睢州漫工黃水下注沿河低窪田畝間被淹浸業經降旨照例給賑俾無失所第念今春正賑已畢青黃不接之時民食不無拮据著加恩將被災八九分貧民無論極次再行加賑一月以資接濟其衛所被災貧民並著一體加賑○又

諭。上年豫省汲縣等八州縣被災十分之極貧者再展賑三月十分災之次貧並九分災之極貧展賑二月九分災之次貧及七八分災之極次貧均展賑一月○又

諭。豫省衛輝府屬上年被旱災民業經於新正加恩展

賑但該處雪澤短少恐春麥未能播種小民生計未免拮据自應再需渥恩俾資接濟所有汲縣等五縣不拘被災分數著再加恩普賑兩月俟得雨後仍借給籽種以助耕作至附近災區之延津等九縣被旱農民著加恩酌借一月口糧並借給籽種其無地極貧下戶著賞給一月口糧○又

諭豫省祥符等州縣受旱較重及連年河水漫溢被淹積穀之區並著再行加賑一月口糧其無地極貧下戶即加賑兩月口糧○又

諭河南衛輝府屬被旱最重之汲縣輝縣新鄉淇縣獲

嘉五縣二麥無收。大田未種。民生拮据。深堪憫念。著
加恩不拘極次貧民。再展賑三月。俾資接濟。○又

諭。豫省附近災區之延津等九屬。亦係連歲積歉之區。
本年二麥無收。大田未能下種。無論極次貧民。著加
恩賑恤兩月。○又

諭。本年山東省曹州等府屬。雨澤愆期。麥收數薄。現在
缺雨州縣。大田尚未能播種。民間口食未免拮据。著
加恩賞給兩月口糧。○又

諭。亳州等十二州縣。因雨澤愆期。農民不能趕種。大田
情形均為拮据。著分別酌借籽種口糧。以資接濟。其

鳳陽泗州長淮三衛屯軍著照坐落州縣一體辦理
亳州蒙城宿州靈璧泗州五河盱眙天長八州縣無
業極貧下戶著賞給一月折色口糧俾資生計○又
諭朝邑縣城鄉被水田禾房屋多有淹損著加恩於撫
恤一月口糧之外再賞給一月口糧仍照例分別加
賑以資接濟○又

諭東省雨澤愆期所有秋成最薄之嶧縣等九州縣及
坐落衛地俱著加恩一體賑恤○又

諭豫省衛輝一帶連年旱災甚重其各該州縣內極貧
下戶餬口無資者著給予一月口糧用示優恤○五

十一年

諭上年安徽被災較重之亳州等十九州縣被災九十
分貧民無論極次於正賑後再行加賑一月此內亳
州蒙城太和泗州盱眙天長五河宿州定遠靈璧十
州縣均係積歉之區著將被災八分極貧加賑一月
所有衛所餓口及貧生兵屬並著一體加賑○又

諭上年湖北江夏等州縣衛因旱暵成災夏收無望現
屆東作方興青黃不接所有成災七八九十分之江
夏等二十六州縣並坐落衛所屯田之極次貧軍民
著加恩於正賑散畢後再行展賑一月其成災五六

分並勘不成災之州縣衛所軍民俱加恩分別賞借口糧籽種以資耕作○又

諭上年江蘇淮安徐州海州所屬雨澤愆期夏秋二熟均屬失收江甯揚州鎮江所屬秋成亦多歉薄今春正賑已畢青黃不接之時民食不無拮据著再加恩將蕭縣碭山二縣十分災極次貧民展賑兩月其淮安徐州海州江甯揚州五屬之八九分災極次貧民展賑一月○又

諭上年陝西朝邑等州縣因河水漲發田畝村莊被淹所有被災較重之朝邑富平二縣極次貧民著加恩

於正賑後再行展賑一月○又

諭上年山東兗曹濟甯等屬雨澤愆期被旱成災今春正賑已畢青黃不接之時著再加恩將嶧縣等九州縣衛被災七八分之極貧次貧於例賑外再展賑一月其六分災之貧民及勘不成災之德州等二十九州縣衛著該撫查明實在無力農民酌借一月口糧以資接濟至該省散賑需用米石甚多所有截留南漕二十萬一千餘石尚恐不敷給發又豆石一項亦為民間口食所必需著再加恩將東昌本年應行運通米豆儘數截留該撫務飭所屬實力妥辦○又

諭。豫省上年雨澤愆期。麥收失望。田禾未免歉薄。今春青黃不接之時。著再加恩。將被旱較重之汲縣等五屬極貧下戶。賞給兩月口糧。其被旱稍輕極貧下戶。賞給一月口糧。至秋災較重之永城等四屬。無論極次貧民。俱著展賑兩月。其秋災稍輕之商邱等八屬。無論極次貧民。俱著展賑一月。○又展賑兩淮板浦中正臨興三場極次貧竈戶一月。○又

諭。淮安各屬上年秋水本重。今歲幸賴麥收接濟。秋禾又有被水漫淹者。小民生計更加拮据。朕心深為憫惻。著酌給口糧。實力妥為撫恤。○又

諭。上年安徽省旱災較重。該州縣俱係積歉之區。今春復因雨水過多。河湖並漲。兼之山水漲發。以致民田廬舍均被漫淹。民力實屬拮据。殊堪憫惻。所有定遠鳳陽懷遠鳳臺壽州五河泗州盱眙天長九州縣被災較重者。賞給兩月口糧。其靈璧滁州來安全椒四州縣被災稍輕者。賞給一月口糧。○五十二年

諭。上年安徽安慶等府州屬夏間雨澤過多。山水漲發。低窪地畝。間被淹浸。著再加恩。將鳳陽等十五州縣被災八九十分貧民。無分極次。概行加賑一月。其衛所及貧生兵屬。並著照正賑之例一體辦理。○又

諭。上年江蘇淮揚等處。因河水漫溢。田禾被淹。著再加恩。將清河等縣成災十分各村莊。無分極次貧民。各加賑兩月。又山陽等州縣成災八分九分各村莊。無分極次貧民。各加賑一月。○五十三年。

諭。上年河南歸德府屬。因黃水漫溢。田畝被淹。著再加恩。將商邱等六州縣被災十分極次貧民。並九分極貧。加賑兩月。其被災九分次貧。及七八分極次貧民。加賑一月。○又。

諭。上年安徽亳州蒙城等州縣。因黃水漫溢。田畝被淹。著再加恩。將被災九分十分貧民。無論極次。概行加

賑一月。其衛所及貧生兵屬並著照正賑之例一體辦理。○又

諭。上年甘肅皋蘭金縣等州縣被旱成災。著將被災貧民概行加賑一月。○又

諭。上年陝西省華州華陰潼關三屬秋禾被水成災。著將被災七八分之極次貧民普行加賑一月。○又奏准福建省臺灣各處被擾之難民給予口糧一月。○又

諭。山西大同府屬各廳州縣被旱成災。著再加恩將被災七八九分之極次貧民再行加賑一月。○又

諭上年直隸宣化府屬各州縣雨澤愆期田禾被旱成災著再加恩將保安等七州縣成災七分以上之極次貧民概行加賑一月○又

諭湖北荊州江水泛漲隄塍潰決已降旨令該督撫等即赴該處詳悉查明加意妥恤此次被災情形較重附近村莊亦不無淹浸處所而長陽一縣前此亦經被水現在蒲圻等處被水雖輕重不等同係災民自宜一體查明妥為撫恤○五十四年

諭上年湖北江陵等州縣夏秋被水成災節經降旨撫賑小民自可不至失所第念今春正賑已畢青黃不

接之時。民食恐不無拮据。而江陵監利兩縣被淹尤重。更宜格外優恤。著再加恩將江陵縣成災八九十分軍民不分極次。及監利縣成災八分極貧軍民於正賑外。再加賑兩月。其公安漢川黃梅三縣成災八分極貧軍民。並各加賑一月。俾資接濟。○又

諭。上年江西饒州九江等府屬秋禾被淹成災。著再加恩將鄱陽等十縣被災九分十分極貧災民加賑兩月。其次貧並八分災極貧均加賑一月。○又

諭。奉天廣甯等七城上年被有水災。現屆青黃不接之時。米價較昂。民食究恐不能充裕。著加恩再行展賑。

二月○又

諭。周家樓漫水下注。民田廬舍。間有淹浸。所有睢甯邳州宿遷桃源被水各村莊。無分極次貧民。著先行賞給一月口糧。以資接濟。並著查明成災輕重。按月給賑。其安東等處亦著一併勘明。如有成災處所。即行分別辦理。○又

諭。本年夏秋以來。近畿一帶雨水較多。諸河並漲。民田廬舍。間被淹浸。亟應妥為撫恤。所有安州被水之六十餘村莊及河間等八州縣。無分極次貧民。俱著先行借給口糧。酌量摘賑。以資接濟。並著查明成災輕

重按月給賑。其大名宣化二府屬亦有被水地方。著一併勘明。如有成災處所。即行分別辦理。○又

諭。本年直隸各府大田。本可望豐收。乃因夏秋雨水過多。河淀並漲。被澇成災。地方較廣。雖酌給口糧。民情安帖。但現距明歲麥秋尚遠。恐貧黎餬口不繼。朕心深為廕注。著再確查妥辦。加意撫恤。○又

諭。安徽宿州等處。俱因河水漲溢。以致低窪地畝。開被淹浸。既經勘明成災。自應亟為撫恤。所有奏請借給一月口糧之處。著竟行賞給。○五十五年

諭。上年河南歸德等府屬秋禾被淹。著將成災較重之

永城縣極次貧民加賑一月○又

諭上年順天及保定河間等屬夏秋雨水較多田禾被淹節經諭令該督實力撫恤銀米兼賑今朕巡幸山東經行畿輔見田畝均已播種徧野青蔥但距麥收為期尚早恐災歉之餘元氣未能驟復著將經過之雄縣等十一州縣再加賑一月○又

諭安徽宿州靈璧二處因近日雨水較多村莊隄埝不無淹浸所有被水地方著賞給一月口糧○又發部庫銀一百萬兩解往山東省備賑○又

諭江南陽山一縣漫水較多著先賞給一月口糧以資

接濟○又

諭永城潘陸道口等處村莊疊經河水漲溢民力未免拮据著加恩於現實口糧之外再賞給撫恤一月○

又

諭陽蕭宿靈地方前因被水成災節次降旨賞給一月口糧並撥銀一百萬兩著該督撫實力撫恤今睢甯十三社村莊亦有被淹之處所有被水較重之六社著賞給一月口糧以資接濟○又

諭直隸被水地方普加撫恤需用米石較多著撥通倉米四十萬石分運各屬賑飢○又

諭。安徽宿州靈璧二州縣田禾被水補種已遲難免一隅偏災著加恩於賞給一月口糧之外再行酌量給賑確查被災戶口普行散給○又撥兩淮運關各庫銀一百萬兩解交江督以備賑務之用○又

諭。東省被水各州縣情形較重所有平原等二十七州縣除業經分別給予口糧外並加恩於十月內各按成災分數照例給賑○又

諭。甘肅皋蘭金縣靖遠三縣猝被嚴霜成災小民口食維艱自應給予賑濟以示體恤該督即派委妥員實心經理俾災黎均霑實惠○五十六年

諭。上年江蘇蕭縣。碭山。睢甯三縣被災地方。著再加恩。將八九分災。無分極次貧民。概行展賑一月。其衛所及貧生兵屬。亦照正賑之例一體辦理。○又

諭。上年安徽宿州等州縣。因毛城鋪土壩刷寬。漫水下注。民田廬舍。間被淹浸。著再加恩。將被災貧民。無分極次。概行加賑一月。其衛所及貧生兵屬。亦照正賑之例一體辦理。○又

諭。上年直隸永平天津河間等府屬。夏秋雨水較多。致成偏災。著將文安等三十州縣。所有八分災。極貧九分災。極次貧民。俱加賑一月。○五十七年

諭所有直隸山東河南三省奏請酌借一月口糧江蘇
省奏請酌借兩月口糧俱著加恩竟行賞給其安徽
省被水處所亦加恩賞給籽種口糧以資接濟○又
諭山東德州一帶望澤甚殷業經借給籽種口糧至今
未獲甘膏麥收失望其實在無力貧戶並著賞給一
月口糧用資接濟○又

諭前因直隸順德廣平大名三府屬麥收歉薄曾降旨
截漕三萬石以備應用本日據奏被旱州縣俟勘明
如果成災尚須豫為籌備請將恩賞豫省漕米內多
餘之米十萬石賞給備用看來直隸今年缺雨地方

較廣。現在時逾小春。大田恐不及趕種。必須寬為籌備。以裕民食。著加恩於該督所請十萬石之外。再增賞十萬石。俾小民均霑實惠。○又奉

旨。大學士九卿議覆紀昀奏請撥直隸截漕米石。在京分廠煮賑。所見尚未周到。朕軫念災區。豫籌民食。本年因直隸被旱。各屬二麥歉收。節經降旨。緩徵借糶。並截漕五十萬石。俾資接濟。現因應賑百姓赴京就食者較多。酌籌分廠煮賑所需米。僅止數千石。不過截留漕糧百分之一。如在直隸原截漕糧內。扣出撥給殊屬見小。所有京城需用賑米。毋庸扣撥。即動用

通倉米石。速行撥廠分賑。以資災民口食。○又

諭。本年河間等屬。雨澤缺少。景州任邱二州縣地勢。又多高阜。早晚田禾。未能一律秀實。受旱較重。著將該州縣應賑戶口。照河間等縣急賑一月口糧之例。一體散賑。○又

諭。前因直隸順德府屬。雨水缺少。麥收歉薄。早經降旨。截漕備濟。又因保定等處。得雨稍遲。被旱較重。著即於通倉內。再行賞撥漕米二十萬石。部庫帑內。撥銀八十萬兩。交該督收貯。以備賑濟之用。○又

諭。山東被旱地方。冬春之交。民力不無拮据。著加恩將

德州等二十州縣於本年十二月放賑一月○五十

八年

諭上年陝西咸甯等州縣夏秋被旱成災收成歉薄著
再加恩將成災八分之醴泉縣極次貧民展賑兩月
其成災六分之咸甯長安乾州三州縣極貧並成災
七分之興平等縣極次貧民俱展賑一月○又

諭上年山東德州一帶間有被旱成災地方著再加恩
將被旱較重之德州等十州縣無分極次貧民概予
賞給兩月口糧被旱較輕之歷城等十州縣衛著賞
給一月口糧○又

諭上年直隸因夏秋雨澤缺少被旱成災著再加恩將保定等二十一州縣成災七八分之極貧概行加賑兩月○又

諭上年直隸順德等府屬被旱成災現屆三月賑期將竣著加恩展賑一月○又

諭上年河南彰德等府屬因夏間得雨稍遲秋禾被旱成災著將成災八分之林縣等縣無分極次貧民概予展賑一月○五十九年

諭上年安徽無為州及銅陵繁昌二縣因夏秋雨水稍多低窪田地間被漫溢著再加恩賞給兩月口糧並

酌借籽種以資接濟○又

諭直隸缺雨各州縣麥收歉薄貧民餬口稍艱現在查明麥收僅止四分以下之保定等八十三州縣內鰥寡孤獨老幼殘疾貧民賞給一月口糧其餘乏食貧民並著酌借一月口糧俟秋成後免息還倉○又

諭濟南東昌武定臨清等府州暨毗連各屬麥收僅止二分有餘民力不無拮据著加恩將歷城等五十一州縣暨坐落衛所之鰥寡孤獨老幼殘疾貧民賞給一月口糧其餘乏食貧民酌借一月口糧○又

諭山東館陶河南延津等縣本年被水成災業經蠲賑

兼施加倍賞恤。現在各該處水勢雖漸就消涸，正可趕種，而無力貧民，或買種無資，或口食維艱。朕心深為軫念。所有山東館陶等縣借給麥本銀兩，及河南延津等縣借給口糧，俱著加恩一體賞給。毋庸徵還歸款。○又

諭大名元城二縣，因隄岸漫口，被水較重。所有酌借籽種，著加恩賞給。俾小民及時播種，不致稍有失所。○

又

諭正定河間等處積水漸次消落，正當乘時趕種秋麥。所奏借領籽種各該處，俱著一體加恩賞給。○又給

山西省被水之代州。五臺繁峙。三處貧民折色口糧一月。○又撥部庫銀二十五萬兩。通倉米二十萬石。賑恤直隸省被水貧民。○又截漕米六十萬石。撥部庫銀八十萬兩。發直隸省賑飢。○六十年

諭。上年直隸春閒被旱。夏秋之間雨水較多。河流漲發。地畝被淹。所有被災最重之天津等州縣。八分災。極貧著展賑兩月。八分災。次貧及七分災。極貧展賑一月。被災次重之通州等州縣。八分災。極貧俱展賑一月。○又

諭上年山東臨清等州縣衛俱因河水漲發秋禾多有被淹著加恩將被災九十分之極次貧民各展賑兩月○被災七八分之極次貧民各展賑一月○又

諭閩省漳浦等屬被災較重之區著先給一月口糧以資口食○又

諭泉州府屬被潮淹浸田畝之區著先給予一月正賑口糧漳浦等廳縣被災較重地方不分極次貧民均賞給三月口糧以示體恤○嘉慶元年給山東省被水之單縣災民口糧一月○又給江南省被水之豐沛二縣災民兩月口糧次重之陽山銅山

二縣民一月口糧。○又

諭。江南豐沛等縣被水災民。避至山東單縣居住者。著一例給予撫恤一月口糧。○又給河南省被水之永城縣貧民口糧一月。○又給山東省被水之魚臺濟甯二處貧民口糧一月。○又

諭。本年東省收成可望豐稔。乃因黃水漫溢。致濟甯等處田畝多被淹浸。小民口食維艱。殊為可憫。著加恩將濟甯魚臺成災處所。照例給予賑恤。以資餬口。至金鄉嘉祥鄒滕嶧五縣。雖被水較輕。但晚穀豆禾亦。有淹浸之處。並著加恩給予一月口糧。○又給湖北

省被水之荆門州貧民口糧一月○又給湖北
省被水之江陵監利公安石首松滋五縣災民
口糧一月○又

諭鳳陽泗州所屬因秋雨稍多河水泛漲被淹地方多
係濱河著加恩將宿州靈璧鳳陽泗州盱眙成災之
民衛戶口照例分別給予賑恤○二年

諭上年江蘇淮徐海三府州屬因豐汛隄工漫溢黃水
下注兼以秋雨過多湖河泛漲田廬被淹所有豐沛
銅陽四縣被災十分貧民著加恩於正賑散畢後再
行展賑兩月其銅山陽山二縣被災九分八分貧民

暨邳州等州縣被災九分八分貧民無分極次俱著
展賑一月○又展賑淮北板浦中正臨興三場被災
竈丁一月○又

諭上年湖北荊門等州縣夏秋被水成災著再加恩將
荊門等六州縣成災九分之極貧軍民展賑一月口
糧其九分次貧及七八分極次貧民並成災五六七
八分之松滋等四縣極次貧民暨勘不成災之鍾祥
等四縣貧民並著該督撫察看情形酌量糶濟○又
諭上年江蘇豐汛六堡隄工漫溢山東金鄉魚臺等州
縣俱被淹浸著再加恩將單縣魚臺濟甯三州縣並

臨濟二衛成災九分十分之極次貧民展賑三月成
災七八分之極次貧民展賑兩月並著銀穀兼放其
金鄉藤澤三縣被水較重者春閒給賑兩月被水較
輕者給賑一月○又給陝西省被擾之興安府貧民
折色口糧三月○又

諭所有乾州鳳凰永綏三廳邊牆以外難民著加恩展
賑至六月底停止其麻陽瀘溪永順保靖四縣前被
賊匪蹂躪地方著加恩展賑至五月底停止○又
諭吐連平番縣之連城土司地方上年夏田被旱秋禾
又復歉收生計維艱所有借領籽種口糧著照數賞

給○又給四川省被擾之達州新甯太平等處貧民
折色口糧三月○又

諭南龍

今改興

等屬猝遭苗擾處所居民散徙失業殊為

可憫著加恩無分極次貧民普賑三月口糧○又

諭馮光熊奏辦理賑務一摺所有興義府各屬著加恩
展賑三月其餘分別加賑兩月俟秋穫後再行停止

○又

諭此次教匪滋事擾及通江等縣民力不無拮据著將
通江開縣萬縣雲陽奉節巫山六縣貧民復業後概
行給賑三月其各該州縣團聚鄉勇間有本地糧石

被賊搶掠者著一併酌給口糧以示體恤○又賑廣西省西隆州六甲地方被黔苗滋擾之災民兩月○又

諭安徽宿州等五州縣成災民衛戶口著賞給一月口糧先將本色倉糧散給俟至冬月照例分別給賑○

又賑恤山東省曹單等州縣被水貧民○又

諭陽蕭等處因隄水漫溢田畝被淹秋成失望民力未免拮据所有成災之陽蕭等州縣著加恩將極次貧民各按分數給予賑濟以資口食○又賑恤安徽省合肥定遠二縣被旱災民○又

諭本年江陵等四州縣秋收歉薄且曾被賊滋擾民力不無拮据著加恩賞給一月口糧○又

諭廣西西隆州地方因苗匪滋事耕種失時著加恩於新正加賞一月口糧○三年

諭山東曹汎漫工黃水下注地畝閒被淹浸所有曹縣等州縣衛成災九十分之極次貧民俱著加恩展賑三月七八分之極次貧民著展賑兩月六分之極次貧民著展賑一月仍按月銀穀兼放用資接濟○又展賑江蘇省陽蕭三縣被水貧民一月○又展賑貴州興義府屬被匪滋擾之貧民至麥收後

停止○又

諭安徽宿州等州縣因上游漫水下注以致秋糧多有被淹其廬鳳所屬亦有一隅被旱之處所有成災民衛戶口著加恩賞給一月口糧以資接濟○又展賑江蘇省豐沛銅山邳泗州縣被水貧民並給宿遷縣續被水淹之貧民口糧一月○又

諭東省曹單等州縣衛上年被水地畝按照展賑戶口無論災分極次一體接賑三月並將江西最後幫船漕米截留四十萬石分貯濟甯等處運往賑濟○又諭曹單等州縣著再加恩各照原賑戶口不分極次再

行賞賑三月。其附近被淹之處一體賞給一月口糧。

○又

諭據費鴻奏淮徐海等屬濱臨河湖地畝被淹歉收等語。著再加恩將豐縣等十州縣極次貧民各按分數給予賑濟。○又撥蘇州藩庫及糧道庫龍江揚州各關庫銀五十萬兩賑濟蘇省各屬飢民。○又賑淮板浦中正臨興三場被水貧竈。○又

諭睢工漫水下注亳州等處低窪地畝被淹成災。著再加恩將成災民衛戶口按照分數於冬月給予賑濟。

○四年

諭。安徽亳州等州縣衛被水成災各戶口著再加恩賞給一月口糧用資接濟。○又

諭。江蘇淮徐海等屬濱臨湖河地畝被淹所有豐沛等州縣衛成災九分八分之極次貧民及海州所屬板中臨三場被淹竈下無分極次貧戶均著加恩展賑一月以資接濟。○又

諭。山東曹單一帶上年漫工積水尚未全涸所有曹單城武等十州縣並坐落臨清濟甯二衛被災地畝已種麥田者著再加恩借給一月口糧已涸未種者賞賑一月口糧地勢低窪消涸較遲者賞賑兩月口糧。

均照原戶口不分極次銀穀兼放○又

諭。楚省漢江上游水勢漲發。荊門潛江等處。聞被衝淹。深為可憫。著該撫等督飭所屬。速查被淹戶口。實力撫恤○又

諭。甘省鞏秦階所屬州縣。屢經賊匪焚擾。曾經降旨。加恩賑恤。今該處雨水優霑。麥收尚稔。但民人究恐失業。著該督實力賑恤。妥為經理○又

諭。江蘇淮徐一帶。因本年夏間雨水過多。兼以黃淮並漲。蕭縣碭山銅山三縣。均有被淹之處。崇明地方。亦猝被風潮。廬舍不無傾圮。著該督等確勘。妥為經理。

實力撫恤俾被水窮民不致稍有失所。○又

諭徐州淮安海州鳳陽泗州等屬因夏間雨水過多低田積水以致收成歉薄自應亟為撫恤又通州等處俱猝被風潮收成不免失望兵丁廬舍亦間被衝沒殊堪軫念該督務飭屬確勘妥為經理實力撫恤毋令一夫失所。○又賑安徽省宿靈璧泗鳳陽懷遠盱眙五河七州縣被水災民。○又賑江蘇省崇明縣所屬沙地被風成災之貧民。○又賑兩淮丁溪草堰劉莊伍佑新舉廟灣板浦中正臨興九場極次貧窶。○又

諭。崇明濱海地方。猝被風潮漫溢。收成失望。著將該縣被災七八分極貧戶口給賑兩月。次貧戶口給賑一月外。再加恩各加賑一月。○五年。

諭。江蘇蕭陽等州縣。上年因雨水過多。低田積水。著將被災九分八分之極次貧民。均再加恩展賑一月。○又加賑直隸省被水之霸州河間任邱隆平甯晉定州等六州縣災民一月。○又

諭。安徽宿州靈璧泗州等三州縣。衛成災七八分者。無論極次貧民。著加恩概行展賑一月。其鳳陽等四縣衛成災民。衛戶口亦著加恩賞借一月口糧。○又

諭安徽宿州等屬均係邵壩下游現在壩工尚未堵合該處民田被淹日久著將原勘七八九分災無論極次貧民再行展賑兩月○又

諭江蘇邵壩下游被淹之陽蕭地方正值頂衝將來伏秋大汛為日方長二麥秋糧未能趕種小民生計不無拮据朕心深為廕注著將該二縣被災極次貧民軍下加恩展賑○又

諭此次朝邑被水較重窮黎室家蕩析殊堪矜憫所有被水六十九村莊著照上屆之例於撫恤一月之外將被災極重次重貧民再行借給一月口糧○又議

准浙江省被水田畝沙淤石壓者每畝給修復銀二錢水衝田禾每畝給籽種銀一錢○又

諭涼州屬縣缺雨多風且氣候早寒秋收失望著加恩將被災十分之永昌縣給賑四月被災八九分之武威鎮番二縣給賑三月○又

諭默爾根等處今歲因嚴霜早降天氣甚寒莊稼多被凍損所有八旗兵丁並驛站水手人等應給口糧著加恩卽於備用倉糧內動用接濟○又

諭阮元奏浙省被水各屬查明被災分別賑濟一摺著照所請金華等縣被災十分者極貧給賑四月次貧

與九分災極貧者給賑三月。九分災次貧與八分七分災極貧者給賑兩月。七八分災次貧與六分災極貧者給賑一月。每大口月給米一斗五升。小口減半。該撫務須詳查戶口按次賑放。○又

諭福建浦城等縣被災現屆寒冬情形未免竭蹶著加恩再給一月口糧。○又展賑安徽省宿靈璧泗三州縣被水災民俟口門合龍後停止。○六年

諭直隸霸州等州縣上年因秋雨稍多濱河田畝被淹並有被雹處所今春青黃不接之時該處居民生計究恐不無拮据所有成災僅止六七分之雄縣高陽

二縣著加恩賞借籽種以資東作其霸州文安等九州縣著加恩將成災八分之極貧及九分十分之極貧次貧民戶再予展賑一月○又展賑江蘇省被水之蕭陽山二縣及徐州衛災民三月○又

諭安徽省宿州靈璧泗州等州縣衛成災七八九分不論極次貧民概行展賑正月一月○又

諭江西省甯都廣昌等處上年偏隅被水者再加恩將被災九分極貧者展賑兩月次貧者展賑一月○又賑河南省武陟孟縣上年被水貧民一月○又

諭陝西咸甯等被災各州縣今春青黃不接之時民食

不無拮据。著加恩將被旱成災六分之咸甯等十州縣極貧戶口。並成災七分之醴泉等六縣及被水較重成災六分之朝邑縣極貧戶口。並成災八九十分之極次貧民。均展賑一月。仍著概予折賑。其被旱成災五分之渭南等二十二廳州縣貧民及成災六分之咸甯等十州縣次貧戶口。亦著加恩借給常社倉糧以資接濟。○又展賑甘肅省武威鎮番永昌三縣災民一月。○又

諭。鄖陽所屬竹谿等縣為賊匪竄擾之區。米價較昂。民人口食稍艱。著加恩賑濟三月。口糧。○又

諭據步軍統領順天府奏查勘被水情形各摺該民人等村莊房屋因河水陡發猝被淹浸奔赴高阜處所暫住實堪憫惻急宜設法賑濟著派汪承霈陳嗣龍劉涓閻泰和同該城御史於戶工二部錢局內領出制錢二千串帶赴永定門右安門外將各該處被水難民按名撫恤或給予錢文或購買米麵散給俾資果腹○又

諭昨因永定門右安門外及南頂中頂各廟內多有存留被水難民曾降旨令汪承霈等攜帶局錢購買米麵先為散給但此止係目前急賑之法惟有仿照每

年五城飯廠之例分員散給方足以普濟災黎現在中頂廟內存留難民千餘名著先於該處設廠煮賑其餘被水處所應如何分設廠座煮賑散給之處著汪承霈等查明具奏一律辦理○又奉

旨。豐紳濟倫奏南苑現在被水情形一摺著動用該苑羊草變價銀九百餘兩。再加恩由造辦處賞給銀一千兩。俱交員外郎永安主事富森保率領苑副六達塞即速辦買米石運往南苑。無論官弁兵民凡被災者均勻散給口糧。務使均霑實惠○又

諭。京師自六月以來陰雨兼旬永定河水泛濫附近災

黎節經撫恤。因思五城地方貧民乏食者自復不少。著再加恩。照每年冬月之例。設立飯廠煮賑一月。

又

諭。永定門右安門外各村莊災民。現俱搭蓋窩棚居住。均可給米造飯。著即加恩。賞發京倉稜米二千四百石。以資賑濟。

諭。直隸被水地方。民間口食無資。著於司庫內動撥銀十萬兩。速為撫恤。又截留漕米六十萬石。發交直隸總督。就近分運直隸州縣賑濟。

諭。前因被災難。民口食無資。分段設廠散賑。南頂一帶

業經設廠給賑黃村一路亦兩次動撥倉穀另立粥廠俾資賑濟南路災民業已無虞乏食因思西路長新店盧溝橋等處被災較重居民待賑者多且近日外縣災黎聞京師設立多廠紛紛前來就食未免跋涉維艱且人數衆多亦恐過於擁擠轉有遺漏著於京倉內再賞撥米二千四百石交那彥寶等酌量情形設廠賑濟俾災民得以就食○又

諭右安門外散賑米石不敷著再撥給稜米二百四十石以資接濟一月○又

諭前因京師被水窮民急須撫恤因令五城地方設立

飯廠煮賑一月。現在各處河道尚未興工。即動工之時。其老弱殘廢之人。亦不能力作。著再展賑一月。俾災黎藉資餬口。○又

諭熱河地方。自五月後陰雨不止。山水漲發。被災貧民餬口維艱。著加恩在承德府備貯米石內賞撥米一千石。放給口糧。以資接濟。○又

諭永定右安二門外居民猝被水災。嗷嗷待哺。此時大賑尚未開放。著加恩於現在散賑之增壽寺地方。照五城之例。設立飯廠煮賑一月。○又撥兩淮解京銀一百萬兩。截留直隸省。以備放賑。○又

諭京師城外附近各處俱係五城所屬而徵收地糧等項例由大興宛平兩縣管理遇有災賑之年向不列入兩縣戶口冊內即如本年永定門右安門外一帶地方被水較重節經加恩賑給米石錢文災民雖可藉資餬口但十月內即開放大賑恐直隸地方官因係五城所屬遂不列入大興宛平兩縣待賑戶口冊內未免向隅著直隸總督會同順天府飭屬通查附近京師地方五城所屬戶口其錢糧歸入大宛兩縣春屆期一併造冊給賑毋稍遺漏○又

諭宕昌番民連年被賊滋擾此次被災又重情殊可憫

著加恩照該處漢民成災分數一體給賑俾不致流離失所○又

諭。惠齡奏東省被水各州縣分別議賑一摺。著照所請。清平等四州縣衛著賞借一月口糧。恩縣等四州縣衛著賞給一月口糧。至臨清等七州縣衛被淹情形較重。即照成災分數分別極次貧民給予賑恤○又諭。本年直隸被災較重。貧民望澤尤殷。明歲青黃不接時。應需接濟。朕軫念民艱。刻深廛繫。所有大興宛平等六十州縣俱著加恩於明歲正月起至四月麥收時止。各按地方村莊多設粥廠。無論極次貧民一律

給賑以示軫恤。○又撥現存直隸省旗租銀二十餘萬兩以備直屬煮賑。○又

諭著加恩將被水八分情形較重之薊州等七州縣於明歲正月起按村設廠至四月麥收時止一體動項煮賑俾災黎均得藉資餬口。

欽定大清會典事例卷二百七十三

戶部

蠲恤賑飢三

嘉慶七年。展賑陝西省興平武功醴泉乾州四州縣。上年被旱貧民折色口糧一月。○又

論甘肅皋蘭狄道等州縣。上年被旱歉收。業經加恩給賑蠲緩。小民已無虞失所。惟念該處山高土冷。節氣較遲。今春青黃不接之時。究恐民力不無拮据。所有上年被災之皋蘭等四十四廳州縣。著再加恩。無論極次貧民。普行展賑一箇月。○又

命於盧溝橋黃村東壩采育四處添設廠座。專派卿員督同地方官賑恤來京就食窮民。○又

諭京師五城煮賑。以三月二十日為止。但上年被水較重。現屆青黃不接之時。貧民艱於得食。自應再為展賑。以廣恩施。惟五城十廠分設城內城外。刻下農務方殷。近郊一帶。力作者多。若仍令其進城領賑。道路紆遠。轉有不便。著再加恩。將五城正副十廠併作五廠。均移至城外廠內開放。俱展至四月二十日止。其盧溝橋黃村東壩采育大井等處飯廠亦著一體展至四月二十日止。以示朕惠濟窮黎有加無已至意。

○又

論京師五城地方煮賑。原於城內城外分設十廠。嗣經降旨展賑時。慮及近郊一帶農務方殷。若令力作貧民進城領賑。道路未免紆遠。是以命將五城正副十廠併作五廠。在於城外安設。今據查明五廠領賑人數。自併廠以後。較前分設十廠時。人數少至一半。自因城內老弱貧民。又以城外路遠。不能前往領賑。殊為惻念。因命軍機大臣傳到五城御史。面行詢問。該御史等果稱連日領賑。俱係城外原領貧民。並無由城內赴領者等語。現在施恩展賑。原因青黃不接。俾

災黎得資果腹。自應令京城內外貧民。一律均霑實惠。併廢之旨。係朕誤降。以致城內貧民忍飢數日。朕從來不憚改過。著仍於內城改回二廠。責成該御史等。妥速經理。毋使一夫失所。○又

諭京師五城分廠煮賑。向以三月二十日為止。前因上年被水較重。當青黃不接之時。貧民艱於得食。就賑者多。是以降旨。令於盧溝橋等處添設五廠。復經加恩展賑一月。至本月二十日停止。近據各廠監賑。官員等奏到。各該處外來貧民。因農務興作。陸續回家。領飯之人較前日減。自係實在情形。但前此酌定停

賑日期。原以四月中旬以後。新麥將次登場。窮民易於謀食。無待官為賑給。近日以來。雨澤愆期。土脈稍形乾燥。恐減麥收分數。即日敬當設壇祈禱。叩額

昊恩。以期速沛甘膏。慰茲農望。而於加惠貧民之舉。轉行停撤。朕心實有不忍。除續添之盧溝橋黃村東壩。采育大井五廠。本係例外增設。毋庸再展外。其五城內外原設各廠。著加恩再行展賑。不拘日期。總俟至甘霖大沛之後。彼時酌量情形。再行奏請停止。○又諭。前經降旨將京城內外飯廠加恩展賑。俟甘霖大沛後。令監放御史酌量情形。奏請停止。茲據奏稱。本月

二十六日得有透雨。四野霑足。赴廠領賑貧民。歡欣踴躍。僉稱及時播種。力作傭工。均可度日。請於五月初一日停止給賑等語。該御史等體察輿情。遵旨奏請。本應即行停止。但念端午已近。若據行撤廠。恐貧民度節。口食尚艱。著再加恩展賑。至五月初五日為止。並著五城御史曉諭領賑貧民。此係格外施恩。現在獲沛甘膏。農田均資耕作。其有可自謀生業者。日內不妨先行散歸。自初六日停賑之後。不復再行展賑。務各安靜營生。以副朕恩加無已至意。○又

諭宿州靈璧泗州盱眙五河等處。因河水漫溢。多被淹

漫所有高窪田畝。各成災七八分不等。殊堪憫念。著加恩與前次勘明成災之望江等十五州縣一體照例給賑。○又

諭。碭山縣賈家樓地方。於本年九月初五日河水漫隄。村莊多被淹浸。其下游之豐縣沛縣銅山縣蕭縣各屬。因地勢較低。漫水下注。一時宣洩不及。以致各村莊亦多被淹。小民未免拮据。殊堪憫念。所有碭山豐縣沛縣銅山蕭縣被水地方。著加恩先行賞給一月口糧。以資撫恤。並著查明成災分數。分別應行蠲緩給賑之處。由驛奏聞。候朕加恩。○又

諭前因廣甯等城地方。間被水淹。成災五六分。旗民生計未免拮据。所有廣甯牛莊白旗堡小黑山遼陽巨流河承德等界沿河窪下地畝被災正身旗人。及戶部莊頭。著加恩加賑口米三四箇月。兵部站丁。加恩加賑口米八九箇月。民人分別極貧次貧。加恩加賑一兩箇月。並酌借來春籽種口糧。以副朕加惠旗民至意。○又

諭前因碭山等五縣河水漫淹。當經降旨先行撫恤。賞給一月口糧。著將勘實成災之豐縣沛縣銅山碭山蕭縣五縣七分極貧民。加恩給賑兩箇月。七分次貧

並六分極貧民。加恩給賑一箇月。概行散放折色。以資口食。○又

諭江西省南昌瑞州等府屬各州縣。上年水旱成災地畝。節經降旨分別蠲緩。並撥給鄰省米石。以資接濟。小民自不致失所。第念東作未興之時。貧民尚無營趁。現據該撫奏明分設粥廠。於上年十二月初一日起。至本年正月十五日止。照例散放。著再加恩將南昌府等屬各州縣現在官設粥廠。展限一箇月。俾該處無業窮黎。倍資果腹。此外有須減價平糶及應借籽種口糧之處。並著該撫隨時妥協經理。○又展賑

陝西省渭南華陰潼關四麻州縣折色口糧
一月。○又給山東省齊東霑化二縣及東平所
被水災民。並給青城惠民海豐濟陽四縣口糧
一月。○又

諭博羅永安二縣會匪滋事。業經按捕淨盡。所有曾經
被擾之區。前已給予賑恤及修費銀兩。自可漸臻安
謐。現當春耕之候。著加恩賞給籽種。俾耕作有資。以
示朕加惠窮黎至意。○又

諭鐵保奏請將牆內各州縣漕糧。除現在被水荷澤等
處緩徵外。其應行起運之米麥豆十一萬餘石。酌留

本省賑濟。著照所請辦理。○八年。給安徽省鳳陽宿
靈壁壽鳳臺懷遠定遠泗五河盱眙宣城涇南
陵貴池青陽銅陵石埭建德東流望江二十州
縣被水被旱災民口糧一月。○九年。展賑直隸
省長垣東明開。三州縣被水災民三月。○又

論上年豫省銜家樓黃水漫溢。所有被水各州縣。當經
降旨賑恤兼施。並將被災較重之封邱等七縣。新舊
錢漕。概予豁免。小民自不致失所。第念青黃不接之
時。民力恐不無拮据。封邱祥符蘭陽滑縣等四縣被
水各村莊。情形較重。著加恩將四縣成災十分之極

次貧民。並成災九分之極貧民戶。展賑兩箇月。其成災九分之次貧。及成災八分之極貧。展賑一箇月。務使災黎得資果腹。○又展賑雲南省浪穹縣上年被水成災地方極貧四箇月。次貧三箇月。○又展賑山東省荷澤濮范壽張東阿齊東濱利津霑化等九州縣。暨東昌衛被水貧民兩月。○又

諭前因山東荷澤鄆城曹縣等處。上年本屬災區。田畝甫經涸出。續被凌汛淹浸。所有荷澤縣現在領賑之成災各村莊。毋庸再議外。著將業已停賑之戶。不分極次貧民。加恩撫恤一月口糧。此內有先不成災而

次成災者。查明分別給予加賑。其上次情形稍輕。未請展賑。此次續淹之陽穀鄆城二縣。著加恩補給展賑兩箇月。○又給陝西省涇陽大荔蒲城郃陽白水永壽淳化中部洛川鳳翔十縣被蟲被雹之災。民口糧一月。○又給湖北省黃梅縣被水貧民口糧一月。○又給陝西省澄城韓城二縣貧民口糧一月。○又

諭安徽省濱江各屬及江北一帶。屢經秋雨。低窪地畝。收成歉薄。且多係連年積歉之區。貧民未免拮据。著加恩將貴池青陽銅陵東流當塗蕪湖繁昌七縣被

水貧戶。賞給一月口糧。無為廬江二州縣被水極貧小戶。加賞一月口糧。○又給江蘇省桃源縣被水災民口糧一月。坍塌房間。並予修費。○十年。展賑江蘇省高郵寶應二州縣被水貧民一月。○又給安徽省貴池青陽銅陵東流當塗蕪湖繁昌無為廬江九州縣被水貧民口糧一月。○又

諭朕此次展謁

祖陵。駐蹕盛京。所有民田旗地。蠲租賜復。業已疊沛恩施。惟本年奉天所屬地方。因夏秋間雨水稍多。沿河低窪地畝。積水未能消涸。田禾開被偏災。據實查勘

承德遼陽廣甯海城鐵嶺等五州縣沿河旗民地畝被災自五分至九分不等。又盛京正紅旗界內三家寨等處五村莊。因被雹損壞田禾。成災自七分至九分不等。此等旗民地畝。既經被有偏災。生計不無拮据。所有各該處被災戶口。即查明賞給一月口糧。其有需賑濟及應蠲免之處。並著查明於恩詔蠲免外。再行按照定例分別辦理。○又給河南省上蔡縣被水災民口糧一月。○又

諭。清江浦地方河流回繞。前因凌水驟注。猝不及防。以致民田廬舍。多有被淹。雖已漸次涸出。而居民蕩析。

情形實堪憫惻。著該督撫即分別輕重極次一體給予賑恤。並著飭令該府縣妥為經理。以示朕軫念災區至意。○又給安徽省鳳陽鳳臺五河三縣被水貧民。暨宿州南平廳蒙城縣乏食窮黎各口糧一月。○又給安徽省鳳陽鳳臺五河懷遠壽州泗州。天長七州縣被水被旱貧民口糧一月。○又諭豫省新鄉等十七州縣連歲歉收。窮黎覓食不易。著照所請。於河北三府各屬縣內酌動倉穀五萬七千石。分撥各縣碾米煮賑。其公捐穀價銀三萬九千九百兩。即著存貯司庫。俟豐收年分買補還倉。○十一

年。展賑江蘇省山陽阜甯鹽城清河桃源高郵
泰東臺江都甘泉興化寶應十二州縣被災貧
民一月。○又展賑江蘇省蘇州府貧民一月。○

又

諭上年豫省被旱被水成災各州縣。節經降旨加恩分
別蠲緩賑貸。小民自可無虞失所。惟今春青黃不接
之時。民力尚不無拮据。著將被旱之新鄉汲縣輝縣
獲嘉河內濟源修武武陟及被水之上蔡共九縣。成
災七八分之極貧。展賑兩箇月。成災七八分之次貧。
同成災六分之極貧。展賑一箇月。○又

論留壩鳳縣棧道一帶山水陡發民房人口間被衝淹
現在妥籌撫恤所有被水災戶著加恩賞給一月口
糧即照所請以折色散放俾窮黎得資餬口至應修
房屋該處四面皆山大雨時行之際山水漲發不時
若仍於頂衝處修建究非日久安居之計此次業經
官給修費該撫應令地方官曉諭居民即於就近處
所另擇地勢建蓋永資棲止方為妥善○又展賑山
西省襄陵太平臨汾洪洞四縣被旱災民兩月
○又

論江蘇淮屬清河鹽城及海州安東一帶被水較重現

在改河章程未定。田廬尚未涸復。災民等移徙高原。雨雪三冬。嗷嗷待哺。情殊可憫。除飭地方官查明災區輕重。分別極次戶口。加恩撫恤。並酌予蠲緩外。著加恩准借各屬常平倉穀十萬石。以資助賑。即於各該處動撥碾運。歸於閩省官員養廉內攤扣。勒限三年買補還倉。俾災民倍資接濟。○又

諭海州秦州二屬各場。本年被災貧丁。寒冬歉產。未免拮据。著加恩即行照例給賑。俾資接濟。○又撫恤雲南省浪穹縣被水災民。○又

諭甯陝叛賊滋事。正當秋禾成熟之時。該省被擾地方。

田禾俱有損傷。並有焚燒房屋戕害人口之事。自應即行撫恤。著加恩將情形較重之洋縣城固甯陝孝義鄠縣盩厔郿縣等七廳縣。並留壩廳之東南鄉。石泉縣之西北鄉。寶雞縣之東南鄉。岐山縣之南鄉。及西鄉縣屬之漢江北岸地方。無論極次貧民。概行給予兩月折色口糧。其情形較輕之咸甯長安二縣之南鄉。不分極次貧民。給予一月折色口糧。至被燒房屋與被害人口。俱著照例賞給銀兩。○又展賑兩淮丁溪草堰劉莊伍佑新興廟灣六場上年被水

貧竄一月。○又

論晉省連年荒歉。民鮮蓋藏。前已降旨加恩。令該撫將粥廠展限至三月底止。俾災黎藉資餬口。現在已屆三月中旬。距麥收之期尚早。若將粥廠依限停止。恐小民口食無資。殊堪軫念。著加恩將平滿解絳霍五府州屬二十六州縣粥廠再行加展一箇月。至四月底止。所需米石。准其將托克托城存穀動撥三萬石。分運應用。○又給甘肅省皋蘭平番西甯碾伯大通巴燕戎格隴西甯遠伏羌通渭西和靜甯環十三廳州縣及東樂縣丞所屬被水被旱之貧民口糧一月。○十二年

諭

上年奉天承德廣甯等處。因雨水泛漲。各莊屯地。故

多被淹浸。當經降旨賞借一月口糧。照例賑恤銀米。

分別蠲緩錢糧。旗民餬口有資。自可無虞失所。但念

被災較重地方。屆青黃不接之際。民力不無拮据。著

將承德廣甯遼陽海城蓋平並復州錦縣鐵嶺撫順

等處。查明八分以上之災戶。加恩概行展賑。以示朕

眷念陪都。春祺敷錫至意。○又展賑兩淮板浦中正。

臨興丁溪草堰劉莊伍佑新興廟灣九場被災。

貧竈一月。○又展賑江蘇省山陽阜甯清河桃

源安東鹽城高郵泰東臺江都甘泉興化寶應。

邳宿遷睢甯海沭陽十八州縣被水貧民一月。
○又展賑雲南省浪穹縣上年被水貧民一月。
○又給甘肅省甯夏甯朔平羅三縣被水貧民
口糧一月。○又撥江蘇省江甯司庫銀四萬兩。
龍江西新關銀十萬兩。備阜甯縣賑需。○又

諭江蘇阜甯縣被淹災民。業經加恩撫恤。惟念該縣本
係積歉之區。今年被災較重。著加恩將阜甯縣極次
貧民。各按分數給予賑濟。以資口食。至阜甯縣例不
報災之減則田地。亦著加恩准照鄰田勘定災分。查
明極次貧戶口數。一律給予賑恤。俾免向隅。○十三

年。加賑江蘇省蘇州府貧民一月。以二月十九日為止。○又展賑江蘇省阜甯縣被水貧民兩月。○又展賑淮南泰州分司所屬廟灣場地方被水貧民一月。○十四年。展賑江蘇泰州分司所屬丁溪草堰劉莊伍佑新興廟灣六場被災貧竈一月。○又展賑江蘇省山陽阜甯清河桃源安東鹽城高郵泰東臺江都甘泉興化寶應沛陽十四州縣被災貧民一月。○又

論。上年直隸通州等州縣雨水稍多。低窪地畝。間被淹浸。業經降旨加恩分別蠲緩賑恤。窮黎自無虞失所。

惟念今春青黃不接之時。民力恐不免拮据。著加恩將該上年應賑之二十三州縣內。雄縣安州高陽新安任邱五州縣成災九分之極次貧民。展賑一月。仍著銀米兼放。其通州等十八州縣成災六七八分之極次貧民。酌量分別糶借。俾資接濟。其坐落永定河兩岸。並切近大道之宛平良鄉涿州新城定興安肅清苑固安等十餘州縣。有應辦疏濬牘牛等河淤淺及挑挖大路兩旁溝渠等工。著加恩動用賑餘銀米。以工代賑。○又

諭。臺灣郡城及鳳山嘉義彰化一帶。六七月間先遭颶

風繼被霖雨。並有飛蝗自山內飛出。雖勘未成災。稻
穀不無傷損。且因械鬪搶奪。田地房屋。間有拋荒焚
毀之處。著加恩將被蝗傷損田禾地方。撫恤一月口
糧。被搶貧民。撫恤三月口糧。以副朕軫念災黎至意。

○又

諭江蘇安東縣。因上年黃河決口未堵。本年雨水復多。
田廬淹浸。又山陽縣上年被水後。涸復本遲。又兼本
年狀元墩隄工漫口。水勢衝灌。其餘江甯及淮揚徐
海常鎮各屬內。或地處低窪。湖水泛漲。或大旱缺雨。
禾苗損傷。收成亦多歉薄。著加恩將安東縣極次貧

民分給賑濟。並將山陽縣漫口被淹之人秦等八鄉實在困苦貧民酌量撫恤以資口食。又

諭陝省興安漢中商州等府州屬地處南山全資包穀為食。上年因秋雨連旬收成歉薄。山內貧民紛紛遷往棧道一帶謀生。其無力搬移之戶尤屬貧難度日。著加恩將興安府屬七廳縣商州並所屬五州縣及西安府屬之甯陝孝義漢中府屬之定遠西鄉四廳縣山內貧民於二三月間先行賞給一月口糧。其距城僻遠之處支給折色。至就食留壩鳳縣寶雞等處貧民查明無依者亦先給一月口糧。均以折色例價

支放俾乏食貧民藉資餬口。十五年展賑江蘇省

安東縣被水貧民一月。又展賑直隸省新安

今改高陽安雄任邱五州縣被水旗民一月。

又

諭前因吉林地方猝被水災降旨令賽沖阿將應行賑恤情形查勘速奏。茲據奏查明旗民地畝成災分數分別請旨著加恩將被災旗地加賑四箇月官莊義倉等地加賑五箇月。站丁加賑九箇月。自本年八月起按照大小口分別賑給。其淹斃旗婦一口。照例給米五石。其下游之永智社舊站等四十七屯內被災

之種地民人。並輸丁無地及無地無丁各土著民戶等。並著加恩自本年八月為始。各按照災地分數。分別極次貧民。照例加賑。○又撫恤河南省孟津縣被水災民口糧一月。坍塌房間。給予修費。○又給安徽省盱眙天長宿泗鳳臺靈璧五河七州縣。乏食貧民口糧一月。○十六年。展賑直隸省霸涿保定文安大城固安永清東安宛平良鄉安雄新安今改任邱十四州縣被水貧民一月。○又給甘肅省皋蘭金川沙泥靖遠紅水隴西會甯安定通渭固原鹽茶靜甯隆德平番靈川中

衛花馬池靈臺十八廳州縣被水被旱災民口
糧一月。○又展賑

盛京本城遼陽牛莊熊岳拿復岫巖鳳凰城蓋平
興京撫順白旗堡小黑山等處被水旗民一月。
○又給安徽省泗盱眙天長五河靈璧五州縣
及屯坐各衛被水被旱軍民口糧一月。○又

諭王營減壩土隄整塌溜勢下注清河安東海州猝被
淹浸成災窮黎乏食著加恩將此次被水較重清河
縣境東北鄉下游之壽甯十鄉十一鄉大河口下莊
娘子莊劉皮鎮閒橋鎮永興等處西北鄉之大河口

浪石鎮全城鎮等處。安東縣之西路陳溪岔廟魚場
全城長樂五港阜民等鎮。海州東南鄉之新安鎮莞
瀆鎮張家店湖坊鎮鐵牛鎮南岡鎮大伊鎮坂浦鎮
新壩鎮龍首鎮港河鎮等十一鎮。無論極次貧民。查
明先給予一月折色口糧。所需銀兩。於司庫正項銀
內動撥。○又給河南省孟津孟二縣被水貧民口糧
一月。倒塌房屋。給予修費。○又給江蘇省碭山
縣之西南北三鄉忠義等十二里被水貧民折
色口糧一月。○又給河南省永城夏邑虞城三
縣被水貧民口糧一月。仍各按成災分數加賑。

坍塌房屋。給予修費。○又

諭安徽省宿州靈璧泗州三州縣。前因李家樓漫口。黃水下注。以致該州縣村莊被淹。當經降旨賞給一月口糧。並令將應行蠲緩賑濟之處。迅速查明。由驛具奏。茲據查明宿州等處各村莊民田衛屯。被水成災。自七八分至九分不等。又泗州屬之滄湖等十八堡。六七月被旱。又成災六分。請旨先行給賑。著照所請。九分災極貧戶口。給賑三箇月。次貧同七八分災極貧戶口。給賑兩箇月。次貧同六七分災極貧戶口。給賑一箇月。即於十月為始。先放九分災極貧戶

口。其餘按次遞放。○又

諭陝省大荔等九廳州縣。本年被雹被水。田禾均有受傷。著加恩將秋收僅止一二分之神木府谷二縣。均一律折放撫恤一月口糧。再查明極次貧戶口。分別加賑。其被水稍重之大荔潼關華州華陰四廳州縣。給予修費籽種。並撫恤一月口糧。本折兼放。其漢陰廳及鳳翔渭南兩縣。雖被災較輕。亦均有衝塌營汛民房。並著分別給予房價修費。酌借籽種。○又奏准江蘇省清河安東沭陽碭山蕭海六州縣被水災民。分別給賑。又淮揚徐海等屬有例不報災

之減豁及改種蘆葦田地。並照鄰田勘定災分。查明戶口。一律給賑。○又給安徽省盱眙靈邱全椒合肥廬江桐城壽鳳陽定遠鳳臺天長十一州縣被水被旱災民口糧一月。○又

諭本年三姓地方。因雨水過多。禾稼歉收。著加恩將三姓災地旗人壯丁等。按照大小口。分別接濟六箇月口糧。應須殺石。即在該城義倉內動支。於嘉慶十七十八兩年分年還倉。其本年八旗應支牛具額殺官莊壯丁應支官穀。並准其接濟口糧交完後。分限於十九二十兩年帶徵。以示朕加惠災區至意。○又

論督裁縣濱臨稅練二江。因值大雨水溢潰隄。城垣衝
署倉廩民房。多被衝塌。田畝亦有間被淹浸。該督等
委員查勘。業將被水貧民。按戶散給賑穀。並分別給
予修房銀兩。所有用過穀一百七十四石零。銀二百
九十兩零。著加恩准其作正開銷。其浸溼徽變倉穀
除尚可碾用者減價糶賣外。不敷之銀。准其動支正
項買補。○十七年。展賑淮北板浦場之東臨等四噠。
中正場之中正等四噠。並莞瀆五莊被水貧民
竈戶一月。○又加賑安徽省宿泗靈璧三州縣
被水災民一月。其被水被旱之五河盱眙霍邱

全椒桐城合肥廬江天長八州縣俱給一月口糧。又展賑河南省永城夏邑虞城三縣被水災民一月。又給陝西省留壩定遠甯羗鳳沔略陽褒城寶雞盩厔甯陝孝義十一廳州縣乏食貧民口糧兩月。又給直隸省永平府灤樂亭昌黎三州縣上年被水貧民口糧兩月。又論澎湖地方。上年雨澤愆期。小米高粱收成歉薄。自八月二十一日以後。颶風連作。花生又多被吹毀。該處孤懸海島。閭閻向鮮蓋藏。貧民口食維艱。前據汪志伊等奏到時。業經批交該督等。將被災情形及應如

何撫恤之處。查明速奏。著即遵前旨妥速辦理。○又

諭山東登萊二府。上年收成歉薄。節經加恩撫恤。並令

督辦粥廠煮賑各事宜。茲據奏該處二麥暢茂。但節
候較遲。刈穫約在五月中下旬。現在天氣已熱。粥廠
不能長設。恐停止煮賑後。貧民又乏餬口。所有登萊
二府屬十七州縣無業貧民。著加恩於停止粥廠後。
再賞給一月口糧。照例折給以資接濟。○又展賑江
蘇省碭山。清河。安東。海蕭。沭陽六州縣被水災
民一月。